

樞

垣

記

略

樞垣記略卷之十

恩敘五

道光十九年九月十九日本處奏軍機處行走滿漢章京
自道光十六年九月保奏之後已逾三年臣等留心察看
擇其行走勤慎者數員公同酌擬刑部筆帖式崇祥請作
爲候補主事遇有本部題選咨留主事缺出卽行奏補理
藩院筆帖式崇泰請作爲候補主事俟服闋後遇有該衙
門滿洲蒙古題選咨留主事缺出卽行奏補內閣學習中
書春長穆蔭均請遇有滿漢本堂實缺中書缺出不計旗

分卽行奏補刑部主事程庭桂請作爲候補員外郎遇有
本部題選咨留員外郎缺出卽行奏補內閣中書王積順
請銷去試俸以主事升用由臣等分掣缺分較多之戶刑
兩部行走遇有該部題選咨留主事缺出卽行奏補刑部
候補主事林揚祖工部候補主事陳本欽均請遇有本部
題選咨留主事缺出卽行奏補謹奏奉

旨依議

二十年正月初一日

諭大學士王鼎著賞加太子太保銜

二十六日

諭大學士穆彰阿潘世恩王鼎矢慎矢公贊襄攸賴俱著
加恩交部議敘

三月初七日

諭何汝霖著賞加三品頂戴

五月十三日

諭軍機章京陳孚恩著加恩以四五品京堂候補遇缺提
奏該員本任吏部郎中著卽開缺

謹按十九年六月初七日本處奏軍機章京吏部員外

郎陳孚恩蒙

恩記名御史該員在軍機處行走多年辦理一切事務尙
爲熟悉懇請仍留軍機處行走以資熟手如蒙

俞允應卽將御史註銷奉

旨依議

二十二年二月十三日本處奏此次辦理漢字檔冊派出
軍機章京工部候補主事江鴻升刑部候補主事喬晉芳
總司校對頗爲詳慎應請量予鼓勵江鴻升喬晉芳懇
恩准令遇有本部主事缺出無論題選咨留儘先補用謹

奏奉

旨江鴻升喬晉芳均著遇有本部主事缺出無論題選咨留儘先補用

十月初一日本處奏軍機處行走滿漢章京白道光十九年九月保奏之後已逾三年臣等留心察看擇其行走勤慎者數員公同酌擬理藩院主事瑞春請作爲候補員外郎遇有理藩院滿洲蒙古題選咨留員外郎缺出卽行奏補戶部筆帖式濟安請作爲候補主事遇有該部題選咨留主事缺出卽行奏補理藩院筆帖式蘇勒芳阿請作爲

候補主事遇有該衙門滿洲蒙古題選咨留主事缺出卽行奏補戶部筆帖式紹德請遇有該部筆帖式缺出無論咨留並不計班次卽行奏補宗人府主事何桂馨請作爲候補員外郎由臣等分掣缺分較多之戶刑兩部行走遇有該部題選咨留員外郎缺出卽行奏補禮部員外郎汪本銓請作爲候補郎中遇有本部題選咨留郎中缺出卽行奏補刑部候補主事吳光業程恭壽均請遇有本部題選咨留主事缺出卽行奏補謹奏奉

旨依議

二十三年正月二十二日

諭大學士穆彰阿潘世恩戶部尙書祁寯藻工部尙書賽尙阿戶部侍郎何汝霖夙夜在公勤勞備至朕難以言喻俱著交部議敘

二月十五日

諭大學士潘世恩年逾七旬嗣後朕御門辦事著加恩免其入班其該管衙門應行帶領引見之日亦著免其帶領以示體恤著臣至意

十八日本處奏此次辦理清字檔案臣等派軍機章京內

閣中書豐盛額貼寫中書福善總司校對頗爲詳慎應請
量予鼓勵懇

恩准令豐盛額作爲候補侍讀遇有蒙古侍讀缺出卽行
奏補福善遇有滿漢本堂實缺中書缺出不計旗分卽行
奏補謹奏奉

旨豐盛額著作爲候補侍讀遇有蒙古侍讀缺出卽行奏
補福善著遇有滿漢本堂實缺中書缺出不計旗分卽行
奏補

八月二十六日

諭大學士潘世恩年逾七旬襄贊綸扉精神強固十年以來夙夜趨公宜勤佐治朕心嘉悅之至允宜特沛殊恩以節勞勩著加恩在紫禁城內乘轎用示朕優禮耆臣至意
二十五年六月二十四日

諭軍機章京汪本銓著加恩以四五品京堂候補遇缺提
奏該員本任禮部郎中著卽開缺

謹按二十二年五月初十日本處奏軍機章京禮部員
外郎汪本銓蒙

恩記名御史該員辦事精細於一切公務頗能留心擬請

遇有御史缺出將該員暫緩帶領引

見俾臣等得收指臂之效如蒙

俞允當卽知照吏部欽遵辦理奉

旨依議

十月初五日本處奏軍機處行走滿漢章京自道光二十二年保奏之後已逾三年臣等留心察看擇其行走勤慎者數員公同酌擬理藩院主事崇泰請作爲候補員外郎遇有理藩院滿洲蒙古題選咨留員外郎缺出卽行奏補內閣中書穆蔭請作爲候補侍讀遇有侍讀缺出卽行奏

補戶部筆帖式紹德請作爲候補主事遇有本部題選咨留主事缺出卽行奏補內閣中書福善請作爲候補侍讀俟該員服闋後遇有侍讀缺出卽行奏補刑部員外郎喬晉芳請作爲候補郎中遇有本部題選咨留郎中缺出卽行奏補起居注主事宗稷辰請作爲候補員外郎由臣等分掣缺分較多之戶刑兩部行走遇有該部題選咨留員外郎缺出卽行奏補兵部候補主事梁瀚請俟補缺後遇有本部題選員外郎缺出卽行升補禮部主事聶灃請作爲候補員外郎遇有本部題選咨留員外郎缺出卽行

奏補謹奏奉

旨依議

二十六年正月二十三日

諭大學士穆彰阿潘世恩戶部尙書賽尙阿祁駕藻兵部尙書何汝霖精勤襄贊一德一心均著加恩交部議敘

二十七年正月初五日

諭兵部尙書何汝霖之母丁氏年屆九旬五世同堂親見七代承恩祿養洵爲盛世嘉祥覽奏之餘朕心實深欣悅加恩特賜伊母御書扁額一面福壽字各一方如意一柄

大卷江綢四疋大卷八絲緞四疋以示恩渥其例應賞賚之處仍著原籍該督撫循例具題

二月初九日本處奏此次辦理漢字檔冊派出軍機章京禮部主事王發桂吏部額外主事劉子城總司校對頗爲詳慎應請量予鼓勵懇

恩准令王發桂遇有本部主事缺出無論題選咨留儘先補用劉子城俟額外行走期滿後遇有本部主事缺出無論題選咨留儘先補用謹奏奉

旨王發桂著遇有本部主事缺出無論題選咨留儘先補

用劉子城著俟額外行走期滿後遇有本部主事缺出無
論題選咨留儘先補用

二十八年正月初二日

諭大學士潘世恩著加恩晉加太傅銜並賞用紫韁

三月初二日本處奏此次辦理清字檔案臣等派軍機章
京內閣中書清盛兵部筆帖式海慶總司校對頗爲詳慎
應請量予鼓勵懇

恩准令清盛作爲候補侍讀遇有侍讀缺出卽行奏補海
慶作爲候補主事遇有本部主事缺出無論題選咨留卽

行奏補謹奏奉

旨清盛著作爲候補侍讀遇有侍讀缺出卽行奏補海慶
著作爲候補主事遇有本部主事缺出無論題選咨留卽
行奏補

十月初六日本處奏軍機處行走滿漢章京自道光二十
五年保奏之後已逾三年臣等留心察看擇其行走勤慎
者數員公同酌擬理藩院筆帖式賽音博勒格圖請作爲
候補主事遇有理藩院滿洲蒙古題選咨留主事缺出卽
行奏補內閣候補中書德椿請俟補缺後遇有侍讀缺出

卽行奏補內閣學習中書英秀請遇有滿漢本堂實缺中書缺出不計旗分卽行奏補理藩院題署主事賽沙布請作爲候補主事遇有理藩院滿洲蒙古題選咨留主事缺出卽行奏補禮部員外郎袁甲三請作爲候補郎中遇有本部題選咨留郎中缺出卽行奏補 起居注主事邵懿辰請作爲候補員外郎由臣等公掣缺分較多之戶刑兩部行走遇有該部題選咨留員外郎缺出卽行奏補戶部候補主事文嶽英請遇有本部主事缺出無論題選咨留卽行奏補宗人府主事吳嘉淦係應升員外郎之員請作

爲候補員外郎由臣等公掣缺分較多之戶刑兩部行走
遇有該部題選咨留員外郎缺出卽行奏補謹奏奉

旨依議

十二月二十日

諭大學士潘世恩由乾隆年間供職詞垣嘉慶年間洊擢
尙書經朕簡任大學士軍機大臣充上書房總師傅襄贊
綸扉宣勤日懋現在年登八秩精神強固朕心嘉悅實深
允宜特沛恩施以昭優眷伊孫潘祖蔭著加恩賞給舉人
准其一體會試用示朕篤祐耆臣有加無已之至意

二十九年正月二十二日

諭大學士穆彰阿潘世恩戶部尙書賽尙阿祁寯藻刑部
侍郎陳孚恩贊襄庶政矢慎矢勤而潘世恩年逾八旬精
神強固尤屬罕遇朕甚嘉焉均著加恩交部議敘

咸豐元年三月十二日

諭候補五品京堂穆蔭未補缺以前加恩賞給五品俸其
本任內閣侍讀著卽開缺

十三日

旨賞欽差大臣賽尙阿大卷江綢袍褂料二套大卷緞袍

褂料一套馬褂料一件戶部主事軍機章京丁守存銀三十兩

十月十二日本處奏軍機處行走滿漢章京自道光二十八年保奏之後已逾三年臣等留心察看擇其資格較深辦事勤奮者數員公同酌擬戶部筆帖式瑞亨請作爲候補主事遇有本部題選咨留主事缺出卽行奏補禮部筆帖式衡光係蒙古人員應升蒙古主事之缺該部額缺較少查照舊案請調理藩院行走作爲候補主事遇有該衙門滿洲蒙古題選咨留主事缺出卽行奏補內閣學習中

書嵩壽請遇有滿漢本堂實缺中書缺出不計旗分卽行
奏補吏部主事桂昌請作爲候補員外郎遇有本部題選
咨留員外郎缺出卽行奏補吏部員外郎林映棠請作爲
候補郎中遇有本部題選咨留郎中缺出卽行奏補兵部
候補主事曹毓瑛工部候補主事汪架兵部候補主事段
晴川均請遇有本部主事缺出無論題選咨留卽行奏補
謹奏奉

旨依議

十二月初十日日本處奏臣等面奉

諭旨以臣何汝霖年逾七旬嗣後每日進內令奏事處太監扶掖臣等謹查致仕大學士臣潘世恩於道光年間面奉

恩旨每日召見出入著太監扶掖當卽傳知該太監未經恭繕

諭旨今臣何汝霖渥承

寵命已屬格外

天恩若明降

諭旨臣何汝霖益切不安可否照潘世恩之例卽日傳知

奏事處太監毋庸繕寫

諭旨伏祈

皇上恩鑒謹奏奉

旨著傳知奏事太監毋庸寫旨

二年正月初一日

諭工部右侍郎彭蘊章著加恩在紫禁城內騎馬

二十三日

諭大學士賽尙阿祁篤藻禮部尙書何汝霖在軍機處行走有年實力助勦殫心竭慮自軍興以來夙夜在公勤勞

倍著賽尙阿總統軍務調度有方工部侍郎彭蘊章自叅
樞務以來克盡厥職均著加恩交部議敘

二月初三日本處奏此次辦理漢字檔冊派出章京胡嘉
楷胡家玉總司校對頗爲詳慎應請量予鼓勵懇

恩准令工部候補主事現在丁憂胡嘉楷俟服闋後遇有
工部主事缺出無論題選咨留儘先補用刑部候補主事
胡家玉遇有刑部主事缺出無論題選咨留儘先補用謹
奏奉

旨胡嘉楷著俟服闋後遇有本部主事缺出無論題選咨

留儘先補用胡家玉著遇有本部主事缺出無論題選咨
留儘先補用

十月十五日

諭工部尙書麟魁著加恩在紫禁城內騎馬

十二月二十日

諭吏部左侍郎邵燦著加恩在紫禁城內騎馬

三年三月初八日本處奏此次辦理清字檔案臣等派軍
機章京兵部主事海慶內閣候補中書文吉總司校對頗
爲詳慎應請量子鼓勵懇

恩准令海慶作爲候補員外郎遇有本部員外郎缺出無論題選咨留卽行奏補文吉遇有滿漢本堂實缺中書缺出不計旗分卽行奏補謹奏奉

旨海慶著作爲候補員外郎遇有本部員外郎缺出無論題選咨留卽行奏補文吉著遇有滿漢本堂實缺中書缺出不計旗分卽行奏補

八月初四日

諭逆賊渡河北擾攻圍懷慶大肆披猖經朕特命大學士直隸總督訥爾經額爲欽差大臣尙書恩華將軍托明阿

內閣學士勝保幫辦軍務督率各路精兵會合進剿逆匪
四路狂奔我兵焚燒賊巢懷慶城圍立解軍機大臣祁寯
藻麟魁邵燦彭蘊章穆蔭夙夜在公贊襄樞務允宜先沛
恩施均著賞軍功加一級

初六日

諭自軍興以來事務紛繁軍機滿漢章京等當差尙屬勤
奮漢章京承書諭旨冊檔較多自應量予恩施以示獎勵
滿洲章京內閣貼寫中書德椿兵部員外郎海慶均著賞
軍功加一級內閣候補中書玉衡理藩院筆帖式文衡均

著賞給軍功紀錄二次戶部主事瑞亨理藩院主事衡光
吏部員外郎桂昌內閣中書長年英祥理藩院筆帖式祥
保內閣中書英秀理藩院主事賽音博勒格圖內閣中書
嵩壽內閣卽補中書文吉戶部筆帖式達春布理藩院筆
帖式慶霖內閣中書蘇布鍾秀均著賞給軍功紀錄一次
漢章京內閣侍讀學士梁瀚禮部郎中王發桂均著賞軍
功加一級刑部郎中程恭壽著賞戴花翎並賞軍功加一
級工部候補主事林壽圖戶部候補主事郭祥瑞均著賞
給軍功紀錄三次工部員外郎汪渠吏部主事陳鴻翊起

居注主事焦祐瀛刑部候補主事李汝楫刑部主事程祖
誥刑部候補主事蔣錫綬戶部員外郎錢寶青禮部主事
吳台朗均著賞給軍功紀錄二次吏部主事賀壽慈工部
候補主事李德莪梁經先白恩佑內閣中書吳兆麟工部
主事鄧廷枏內閣中書段承實均著賞給軍功紀錄一次

十月二十二日

諭戶部右侍郎瑞麟禮部左侍郎穆蔭均著加恩在紫禁
城內騎馬

四年二月初四日

諭戶部郎中軍機章京錢寶青著加恩以五品京堂候補
仍暫留郎中本任其記名御史卽著該部註銷

九月十一日本處奏此次辦理漢字檔冊派出軍機章京
工部候補主事林壽圖戶部候補主事郭祥瑞總司校對
頗爲詳慎應請量予鼓勵懇

恩准令林壽圖郭祥瑞均遇有本部主事缺出無論題選
咨留儘先補用謹奏奉

旨林壽圖郭祥瑞均著遇有本部主事缺出無論題選咨
留儘先補用

十月十二日本處奏軍機處行走滿漢章京自咸豐元年保奏之後已居三年臣等留心察看擇其資格較深辦事勤奮者數員公同酌議內閣中書德椿係遇有侍讀缺出卽行奏補之員請

賞給五品頂戴作爲候補侍讀遇有缺出卽行奏補內閣中書英秀係應升侍讀人員請作爲候補侍讀該員現未服滿遇有侍讀缺出卽行升署俟服闋後再行實授內閣中書嵩壽請以主事升用由臣等公掣缺分較多之戶刑兩部行走遇有該部題選咨留主事缺出卽行奏補內閣

學習中書玉衡請遇有滿漢本堂實缺中書缺出不計旗分卽行奏補刑部候補主事蔣錫綬請遇有本部主事缺出無論題選咨留卽行奏補 起居注主事焦祐瀛係應升員外郎之員請作爲候補員外郎由 臣等公掣缺分較多之戶刑兩部行走遇有該部題選咨留員外郎缺出卽行奏補刑部員外郎李汝楫係應升郎中之員請作爲候補郎中遇有本部題選咨留郎中缺出卽行奏補內閣中書吳兆麟請以主事升用由 臣等公掣缺分較多之戶刑兩部行走遇有該部題選咨留主事缺出卽行奏補謹奏

是日奉

諭所有軍機處行走之內閣中書卽補侍讀德椿著先行賞給五品頂戴內閣中書英秀著作爲候補侍讀遇有缺出卽行升署俟服闋後再請實授內閣中書嵩壽著以主事掣分戶刑兩部行走遇有該部主事缺出無論題選咨留卽行奏補內閣學習中書玉衡著遇有滿漢本堂實缺中書缺出不計旗分卽行奏補刑部候補主事蔣錫綬著遇有該部主事缺出無論題選咨留卽行奏補起居注主事焦祐瀛著以員外郎掣分戶刑兩部行走遇有該部員

外郎缺出無論題選咨留卽行奏補刑部員外郎李汝楫
著遇有該部郎中缺出無論題選咨留卽行奏補內閣中
書吳兆麟著以主事掣分戶刑兩部行走遇有該部主事
缺出無論題選咨留卽行奏補

二十日

諭工部左侍郎杜翰著加恩在紫禁城內騎馬

樞垣記略卷之十

樞垣記略

卷十

樞垣記略卷之十一

恩敘六

咸豐五年正月二十四日

諭工部尙書彭蘊章吏部右侍郎穆蔭工部左侍郎杜翰
夙夜在公辛勤倍著均著交部議敘

四月十八日

諭現在馮官屯逆匪全股蕩平北路一律肅清軍機大臣
贊襄軍務夙夜勤勞允宜分別加恩以昭優眷恭親王奕
訢著交宗人府從優議敘尙書彭蘊章侍郎穆蔭杜翰均

著交部從優議敘侍郎瑞麟著交部議敘致仕大學士祁
駕藻前在軍機大臣上行走懋著勞勩著一併交部從優
議敘其滿漢章京各員均著交部議敘

六年十一月十八日

諭戶部尙書柏蔭著加恩在紫禁城內騎馬

十二月初五日

諭軍機章京焦祐瀛著加恩以四五品京堂候補遇缺提
奏該員本任戶部郎中著卽開缺

七年十月十九日本處奏軍機處行走滿漢章京自咸豐

四年保奏之後已逾三年臣等留心察看擇其資格較深辦事勤奮者數員公同酌擬戶部員外郎瑞亨請作爲候補郎中該員現在丁憂擬俟服闋後遇有本部題選咨留郎中缺出卽行奏補戶部筆帖式達春布請作爲候補主事遇有本部題選咨留缺出卽行奏補內閣中書文吉英祥請作爲候補侍讀該二員現在均未服滿擬俟服闋後遇有侍讀缺出卽行奏補起居注主事段承實請作爲候補員外郎由臣等公掣缺分較多之戶刑兩部行走遇有該部題選咨留員外郎缺出卽行奏補工部員外郎梁

經先禮部員外郎白恩佑請作爲候補郎中遇有各本部
題選咨留郎中缺出卽行奏補內閣典籍會協均請作爲
候補侍讀遇有缺出卽行奏補謹奏奉

旨依議

十二月二十六日本處奏繕辦漢檔告竣所有派出總校
之 起居注主事裴季芳刑部額外主事夏獻雲總司校
對頗爲詳慎自應量予鼓勵懇

恩准令裴季芳以六部員外郎儘先選用並先分部行走
夏獻雲係額外主事業經期滿因丁憂尙未引

見可否俟服闋引

見後遇有本部主事缺出無論題選咨留儘先補用謹奏
奉

旨裴季芳著以六部員外郎儘先選用並先分部行走夏
獻雲業經學習期滿著俟服闋引見後遇有本部主事缺
出無論題選咨留儘先補用

八年正月二十五日

諭大學士彭蘊章協辦大學士戶部尙書柏蔭吏部右侍
郎穆蔭工部左侍郎杜翰贊襄樞務矢慎矢勤均著交部

議敘

二月二十四日本處奏軍機章京內閣典籍曾協均前經
臣等保奏請作爲候補侍讀遇有缺出卽行奏補奉

旨依議茲查有內閣侍讀葉名灃告假一缺據內閣行查
吏部轉據咨覆應由臣等援案奏補相應請

旨將會協均補授內閣侍讀謹奏奉

旨知道了

五月十六日本處奏此次承辦清檔臣等派軍機章京理
藩院筆帖式慶霖理藩院題署主事文衡總司校對頗爲

詳慎應請量爲鼓勵慶霖文衡均請作爲候補主事遇有
理藩院滿洲蒙古題選咨留主事缺出卽行補用謹奏奉
旨慶霖文衡均著作爲候補主事遇有理藩院滿洲蒙古
題選咨留主事缺出卽行補用

九月初九日

諭杜翰現丁母憂著加恩賞銀四百兩辦理喪事由廣儲
司給發

十月二十九日

諭吏部左侍郎匡源禮部右侍郎文祥均著加恩在紫禁

城內騎馬

十一年四月初二日本處奏繕辦漢檔告竣所有派出總校之工部候補主事朱智戶部候補主事蔡兆槐總司校對頗爲詳慎自應量予鼓勵懇

恩准令朱智遇有本部主事缺出無論題選咨留儘先補用蔡兆槐俟補缺後遇有本部題選咨留員外郎缺出卽行補用謹奏奉

旨朱智著遇有本部主事缺出無論題選咨留儘先補用蔡兆槐著俟補缺後遇有本部題選咨留員外郎缺出卽

行補用

十一月初二日本處奏軍機處行走滿漢章京自咸豐七年保奏之後已逾三年臣等留心察看擇其資格較深辦事勤奮者數員公同酌擬內閣中書英廉請作爲候補侍讀遇有侍讀缺出卽行奏補內閣候補中書松齡慶裕請俟補缺後遇有侍讀缺出卽行奏補工部筆帖式增壽請作爲候補主事遇有本部主事缺出無論題選咨留卽行奏補候選主事內閣中書方鼎銳請以主事籤掣缺分較多之戶刑兩部行走遇有該部主事缺出無論題選咨留

卽行奏補戶部主事朱學勤請作爲候補員外郎遇有本部員外郎缺出無論題選咨留卽行奏補內閣典籍許庚身請作爲候補侍讀遇有缺出卽行奏補工部候補主事蔣繼洙請俟補缺後遇有本部員外郎缺出無論題選咨留卽行奏補謹奏奉

旨依議

十二月初七日議政王軍機大臣面奉

諭旨軍機章京當差勞苦著賞給銀二千兩由廣儲司給發

同治元年正月初一日

諭朕奉

母后皇太后

聖母皇太后懿旨恭親王以議政王在軍機處辦理一切政務勤勞懋著加恩著在紫禁城內坐四人轎以示優異

二十三日

諭朕奉

母后皇太后

聖母皇太后懿旨恭親王自簡授議政王以來首贊樞廷

木地言明 卷十一
賢親輔翼公忠體國於一切用人行政事無鉅細綜覈靡遺著交宗人府從優議敘大學士桂良戶部尙書沈兆霖都察院左都御史文祥戶部左侍郎寶鋆在軍機處行走實力助勦和衷共濟順天府府丞曹毓瑛自參機務克稱厥職均著交部議敘

閏八月十九日

諭軍機大臣都察院左都御史李棠階著加恩在紫禁城內騎馬

九月二十日本處奏軍機章京內閣典籍許庚身前經臣

等保奏請作爲候補侍讀遇有缺出卽行奏補奉

旨依議嗣於本年壬戌科中式進士奉

旨著仍作爲候補侍讀遇有缺出卽行奏補茲查有內閣侍讀陳嚮升任山東道監察御史所遺一缺據內閣行查吏部轉據咨覆應由臣等援案奏補相應請

旨將許庚身補授內閣侍讀謹奏奉

旨依議

十二月二十六日本處奏竊臣等於本月十八日將編輯新檔十函進呈

御覽並聲明該章京供事著有微勞懇請量予獎敘奉

旨依議欽此查此次冊檔事閱十年頭緒紛繁該章京等
分年編纂詳加校勘不無微勞足錄該供事等常川在方
略館繕寫辦理尤爲出力相應懇懇

天恩獎敘以昭激勸謹繕清單恭呈

御覽謹奏

太常寺少卿王拯

內閣侍讀瑞廉 許庚身

以上三員擬請 賞隨帶加二級

廣東高廉道前內閣侍讀英秀

戶科給事中前內閣侍讀文吉

河南道監察御史前內閣侍讀曾協均

候選道前戶部員外郎吳兆麟

山西試用直隸州知州前工部主事裕彰

以上五員擬請交部從優議敘

刑部郎中胡家玉擬請 賞加四品銜

戶部員外郎朱學勤擬請遇有該部郎中缺出無論題

選咨留遇缺卽補

理藩院員外郎銜光擬請以該衙門郎中卽補

刑部主事嵩壽

工部主事增壽 朱智

以上三員均擬請遇有本部員外郎缺出無論題選
咨留遇缺卽補

理藩院題署主事崇繕擬請俟服闋後以本衙門主事
無論題選咨留遇缺卽補

是日奉

旨依議

二年六月二十七日日本處奏此次辦理清字檔案臣等派軍機章京刑部員外郎嵩壽理藩院候補主事崇縉總司校對尙屬詳慎自應量加獎勵懇

恩准令嵩壽作爲候補郎中遇有本部郎中缺出無論題選咨留卽行奏補崇縉作爲候補員外郎俟補主事後遇有本衙門滿洲蒙古題選咨留員外郎缺出卽行奏補謹奏奉

旨嵩壽著作爲候補郎中遇有本部郎中缺出無論題選咨留卽行奏補崇縉著作爲候補員外郎俟補主事後遇

有本衙門滿洲蒙古題選咨留員外郎缺出卽行奏補

九月初一日

諭本日引見之俸滿截取刑部郎中胡家玉著開缺以四五品京堂候補

十月初五日

諭軍機大臣兵部左侍郎曹毓瑛著加恩在紫禁城內騎馬

十二月二十一日本處奏軍機處行走滿漢章京自咸豐十年保奏一次係展限一年於十一年辦理現計咸豐十

年至今已逾三年臣等留心察看擇其資格較深辦事勤奮者數員共同酌擬內閣中書奎綬請分理藩院行走作爲候補主事遇有理藩院滿洲蒙古無論題選咨留主事缺出卽行奏補內閣候補中書額圖琿請遇有滿漢本堂實缺中書缺出不計旗分卽行奏補理藩院筆帖式英貴請作爲候補主事遇有本衙門滿洲蒙古無論題選咨留主事缺出卽行奏補內閣貼寫中書文海請俟補缺後遇有侍讀缺出卽行奏補工部候補主事杜來錫請遇有本部主事缺出無論題選咨留卽行奏補戶部主事范運鵬

請作爲候補員外郎遇有本部員外郎缺出無論題選咨留卽行奏補內閣中書沈淮請以主事籤掣缺分較多之戶刑兩部行走遇有該部主事缺出無論題選咨留卽行奏補刑部候補主事周瑞清請遇有本部主事缺出無論題選咨留卽行奏補謹奏奉

旨依議

三年正月二十三日

諭朕奉

慈安皇太后

慈禧皇太后懿旨議政恭親王賢親最著輔翼公忠自首
贊樞廷於今三載於用人行政一切克盡匡襄勤勞罔懈
著交宗人府從優議敘工部尙書文祥戶部尙書寶鋆工
部尙書李棠階兵部左侍郎曹毓瑛同心協贊克慎克勤
均著交部議敘

二月十五日本處奏繕修漢檔告竣所有派出總校之工
部主事王汝訥內閣侍讀馮柏年總司校對頗爲詳慎自
應量予鼓勵懇

恩准令王汝訥作爲候補員外郎遇有本部員外郎缺出

無論題選咨留卽行奏補馮柏年係應升郎中之員以郎
中由臣等籤掣缺分較多之戶刑兩部行走遇有該部郎
中缺出無論題選咨留卽行奏補謹奏奉

旨王汝訥著作爲候補員外郎遇有本部員外郎缺出無
論題選咨留卽行奏補馮柏年著以郎中籤掣缺分較多
之戶刑兩部行走遇有該部郎中缺出無論題選咨留卽
行奏補

七月初二日

諭恭親王自簡授議政王以來於今三載適值東南等省

兵事方殷用人行政徵兵籌餉一切深資贊畫弼亮宣猷忠勤丕著軍機大臣文祥等翼贊樞廷同心輔治前於蘇杭省城克復各案內屢欲降旨加恩均經該王大臣等再三懇辭不忍重違其意茲當江甯省城克復紅旗馳報殲擒首逆本欲援照從前優獎成案降旨施恩乃該王大臣等仍復懇切力辭鑒其誠悃不得已酌中給予恩施以獎勞勩議政恭親王著加恩賞加軍功三級仍加賞一員勒令伊子奉恩輔國公載澂受封並封伊子載濬八八分輔國公載澐不入八分鎮國公軍機大臣工部尚書文祥著

賞加太子太保銜伊姪凱肇並賞給員外郎分部學習行走戶部尚書寶鋆著賞加太子少保銜並賞戴花翎工部尚書李棠階著賞加太子少保銜伊子李洊並賞給舉人准其一體會試兵部左侍郎曹毓瑛著賞加頭品頂戴賞戴花翎以示朕慶賞酬庸之意此次辦理軍務十有餘年軍報絡繹事務殷繁軍機章京等昕夕從公承書諭旨均無貽誤尙屬著有微勞著議政王軍機大臣分別等第酌量從優保獎候旨施恩

初四日

諭昨因江甯紅旗報捷降旨令議政王軍機大臣將滿漢軍機章京等分別等第量予從優保獎茲據開單具奏該軍機章京等自軍興以來辦理軍報承書諭旨昕夕從公尙無貽誤均屬著有微勞自應量予恩施以示鼓勵理藩院員外郎衡光著以知府不論雙單月遇缺前卽選仍在任候選並賞戴花翎記名道府刑部郎中嵩壽記名道府戶部員外郎英祥均著專以道員用並賞戴花翎理藩院員外郎崇縉工部員外郎增壽均著賞戴花翎內閣中書松齡著俟補侍讀後以知府不論雙單月在任遇缺前卽

選並先換侍讀項戴內閣侍讀英廉著以道員在任卽選
並先換頂戴候補侍讀瑞廉著以知府不論雙單月遇缺
前卽選仍在任候選並賞戴藍翎卽補侍讀內閣貼寫中
書慶裕著俟服闋後遇有中書缺出不計旗分遇缺卽補
並賞加侍讀銜賞戴藍翎理藩院主事奎綬著作爲本衙
門候補員外郎遇有員外郎缺出無論題選咨留遇缺卽
補工部郎中崐玉著俟服闋後以知府不論雙單月在任
遇缺前卽選內閣中書額圖琿著作爲候補侍讀遇有侍
讀缺出卽行奏補理藩院主事英貴著以本衙門員外郎

無論題選咨留遇缺卽補內閣貼寫中書文海遇有中書
缺出不計旗分卽行奏補並賞加侍讀銜賞戴藍翎禮部
筆帖式續昌著作爲理藩院候補主事俟服闋後遇有缺
出無論題選咨留遇缺卽補並賞加員外郎銜刑部主事
薩隆阿著遇有本部員外郎缺出無論題選咨留卽行奏
補先換頂戴工部主事額哲克著以本部員外郎無論題
選咨留遇缺卽補並賞加知府銜禮部候補主事裕長著
遇有本部主事缺出無論題選咨留卽行奏補並賞加五
品頂戴內閣貼寫中書容斌著賞加侍讀銜光祿寺卿胡

家玉光祿寺少卿鄭錫瀛均著賞戴花翎並賞給軍功加
二級刑部主事方鼎銳著免補員外郎以本部郎中無論
題選咨留遇缺卽補並賞戴花翎內閣侍讀許庚身著以
六部郎中不論班次遇缺卽選仍在任候選並賞戴花翎
工部員外郎朱智著以本部郎中不論題選遇缺卽補並
賞戴花翎工部候補主事蔣繼洙著免補主事作爲候補
員外郎仍歸原保案內遇有本部員外郎缺出無論題選
咨留卽行奏補並賞戴藍翎候選六部員外郎工部行走
裴季芳著以六部員外郎不論班次遇缺卽選刑部主事

夏獻雲著遇有本部員外郎缺出無論題選咨留卽行奏
補先換頂戴戶部郎中蔡兆槐著作爲厯俸期滿並賞加
四品銜工部主事杜來錫著以本部員外郎無論題選咨
留遇缺卽補戶部員外郎范運鵬著以本部郎中無論題
選咨留遇缺卽補並賞加道銜刑部主事沈淮周瑞清均
著遇有本部員外郎缺出無論題選咨留卽行奏補先換
頂戴禮部郎中龔嘉雋著作爲厯俸期滿並賞加道銜記
名御史吏部郎中陳元楷著俟升補御史後以應升之缺
升用工部主事王汝訥著俟補員外郎後以本部郎中無

論題選咨留遇缺卽補戶部郎中馮柏年著作爲歷俸期滿並賞加道銜刑部候補主事徐用儀著無論題選咨留遇缺卽補並賞給軍功加一級吏部候補主事史崧秀著俟補缺後以本部員外郎無論題選咨留遇缺卽補先換頂戴禮部主事徐景軾著遇有本部員外郎缺出無論題選咨留卽行奏補先換頂戴戶部主事方熊祥著俟補員外郎後遇有本部郎中缺出無論題選咨留卽行奏補戶部主事葉衍蘭著賞加四品銜前戶部郎中朱學勤著賞戴花翎

初六日

諭咸豐十一年冬間朕奉

慈安皇太后

慈禧皇太后自熱河旋蹕授恭親王爲議政王並以王自
留京辦事以來諸臻妥協因仰體

皇考文宗顯皇帝酬庸未竟之志宣示

遺命以親王世襲罔替王涕泣固辭不得已降旨從緩俟
朕親政之年再行辦理先行賞食親王雙俸以示優禮昨
因江甯逆首就戮紅旗告捷我兩宮

皇太后以王首贊樞廷賢親最著亟思丕承

先緒仍加恩以親王世襲罔替王乃推功諸將再三懇辭
念其情詞諄切俯如所請僅加恩王之三子載澂等於朝
廷論功行賞之心初未盡愜茲復據奏金陵雖克而湖北
江西賊氛尙熾陝甘雲貴餘孽未平軍餉浩繁庫欸支絀
且在京王公諸臣之俸糒八旗兵丁之月餉減成支放未
復舊章而王公貝勒萃於一門旣忝高爵復膺厚祿若不
痛自抑損不獨滿則必虧徒增咎戾且何以副知遇之隆
而塞天下之望請將支食親王雙俸之處卽行停止等語

覽王所奏具見忠愛惻怛出於至誠惟爵以馭貴祿以馭富國家詔糴之典古今所同王自簡任樞廷於今三載運籌決策成效卓然嗣後慎始敬終忠勤匪懈行常廓清區宇丕著全功拭目昇平更加懋賞至此次嘉賞成功因王撫抑爲懷僅酌中給予恩施未嘗加厚若將從前所降恩命遽爾收回亦恐無以昭勸賞之平而示人臣之則恭親王仍著食親王雙俸其毋固辭

四年十月初十日

諭禮部右侍郎汪元方著加恩在紫禁城內騎馬

二十八日

諭文祥奏請假回旗迎養一摺文祥著賞假三箇月前赴盛京迎養伊母來京並賞人蘆六兩卽著文祥齎去以資頤養

樞垣記略卷之十一